

re o deus pec'het doc'homp, Ha n'hon laosket ket da gouezh en tantasion Met hon diwallit doc'h an droug.

*Ar beleg : Plijet geneoc'h, Aotrou Doue,... ha distro hor Salver Jezuz-Krist :*

**R/ : Rak deoc'h-C'hwi, Aotrou Doue, emañ ar Rouantelezh hag ar gloar a-holl-viskoazh da virviken. Amen.**

### Lid ar peoc'h :

*Ar beleg : Salver Jezuz-Krist... a-holl-viskoazh da virviken.*

*Peoc'h hor Salver a vo bepred geneoc'h.* **R/ : Ha get ho spered !**

### Oan Doue :

Oan Doue a lam pec'hedoù ar bed : ho pezit truez doc'homp ! (bis)  
Roit deomp ar peoc'h !

### Kent ar gomunion :

*Ar beleg : Eürus ar re a zo galvet da bred santel an Oan.*

*Setu Oan Doue, an Hini a lam pec'hed ar bed :*

**R/ : Man Doue, ned on ket dign ma tait davedon,  
met lârit ur ger hepken hag e vo aesaet din.**

### Komunion :

**Jezuz 'zo diskennet  
'Veidomp àr an Aoter,  
Adoromp get resped  
Hon Doue lan a zouster.**

Daet eo a lein an neañv,  
Na pezh ur vadelezh  
'Veit magiñ hon eneañv  
Ha reiñ dezhi ar peoc'h.

Ni a zeli krediñ  
Deusto n'ho kwelomp ket ;  
Hani n'hell fariñ  
A p'hoc'h eus C'hwi komzet.

Ô Jezuz, hor Salver, C'hwi zo hor c'hoñfortañs  
Ni 'gred e gwirionez Er vro-mañ a dristez ;  
Eh oc'h àr an Aoter C'hwi vo hor rekompañs  
Hag 'vel den hag 'vel Doue. E rouantelezh an ne.

### Kan-dibenn :

**Itron santez Anna, gouarnit ho Pretoned,  
Goulennit dreist pep tra ma vint fidel bepred.**

1 Aveidomp pezh ur gloar ha pezh ul levenez,  
Mad eo daet d'hor c'hemer aveit he bugale.

2 Aveidomp-ni emañ he c'harantez vrasañ ;  
Aveidomp-ni é ra he burzhudoù kaerañ.



**Bep sul ketañ ar miz : overenn da 10e30 e chapel ar Werc'hez.**

# Parrez Ker Anna

19<sup>e</sup> Sul ordinal blead K

7 a viz Eost 2022

### Kan digor :

1 Meulit an Aotrou Doue, C'hwi holl, e draoù krouet,  
Traoù hag a weler splann, traoù ha ne weler ket,  
Meulit e holl gelloud hiriv, àrc'hoazh, bemdez,  
Meulit da virviken, meulit an Aotrou Doue !

2 Meulit an Aotrou Doue, holl Sent ha Santezed ;  
Apostoled gredus, Merzherion, Gwerc'hez ;  
Duhont er Baradoz, lârit ho levenez,  
Meulit da virviken, meulit an Aotrou Doue !

3 Meulit an Aotrou Doue, Arc'haeled hag Aeled  
O chom e lein an neañv, e palez an Dreinded !  
Get ho telennoù aour, lârit kanenn an Ne,  
Meulit da virviken, meulit an Aotrou Doue !

4 Meulit an Aotrou Doue, àr ho tron lugernus,  
E mor bras ar splannder, e-tal ho Mab Jezuz,  
Gwerc'hez santel Mari, kanit ho karantez,  
Meulit da virviken, meulit an Aotrou Doue !

### Salud d'ar bobl :

*Ar beleg : Gras hor Salver Jezuz-Krist, karantez Doue an Tad  
hag unaniezh ar Spered Santel, ra vint geneoc'h-holl :*

**Respont : Ha get ho spered !**

### Kyrie (Ordinal Berthier)

### Gloria : Gloria In excelsis Deo ! (2 wezh) In excelsis Deo !

Peoc'h àr an douar d'an dud karet getañ ; Ho meuliñ a reomp. Ho trugarekaat a reomp. Hoc'h adoriñ a reomp. Enor deoc'h a ganomp ha mil bennozh aveit ho kloar hep par. Aotrou Doue, Roue an neañv, Doue an Tad hollgelloudek. *Aotrou, Mab unganet, Salver Jezuz. Aotrou ha Doue, Mab an Tad. C'hwi hag a lam pec'hed ar bed, ho pet truez doc'homp. C'hwi hag a lam pec'hed ar bed, degemerit hor pedenn. C'hwi hag a zo azezet en tu dehoù d'an Tad, ho pet truez doc'homp.*

Rak C'hwi hepken a zo santel. C'hwi hepken a zo Mestr. C'hwi hepken a zo uhelmeurbet, Salver Jezuz, Get ar Spered Santel, e gloar Doue an Tad. Amen !

**Lennadenn gentañ :** Lennadenn tennet a levr ar Furnezh

Doare an noz-se, noz dieubidigezh Pask, a oa bet rakkemennet d'hon tadoù; hag int, dre ma ouient e peseurt promesaoù o devoa kredet, a voe leun o c'halon a surentez laouen. Ho pobl a zegemeras evel-se àr-un-dro salvedigezh ar re just ha rivin ha koll hec'h eneberion; rak evel ma kastizec'h hon eneberion e roec'h klod deomp-ni doc'h hon gervel devadoc'h. Bugale santel ar re just a ginnigas e kuzh ur sakrifis, hag a galon unvan e tegemerazont al lezenn doueel-man : ra vehe bet lodennet ingal etre ar sent an hevelep madoù hag an hevelep riskloù, hag a-benn e krogazont da ganal kantikoù sakr an tadoù. Setu komz an Aotrou Doue : **Bennozh da Zoue !**

**Psalm 33 :** Eurur ar bobl en deus an Aotrou dibabet da hêritour dezhañ.

*Youc'hit da Zoue, c'hwi an dud just;  
evit ar re just eo un dever e veuliñ.*

*Eürus ar bobl emañ an Aotrou he Doue,  
ar Bobl en deus dibabet evit bout dezhañ.*

*Met àr e dud fidel e par daoulagad an Aotrou,  
àr an dud ec'h esperiñ en e garantez,  
evit tenniñ o eneañvoù ag ar marv,  
hag evit o beviñ e amzer ar gerteri.*

*Hon eneañv a esper en Aotrou,  
eñ 'zo hon harp hag hon difenn.*

*Ra vo àrnomp ho karantez, Aotrou,  
'vel m'hon eus esperañs ennoc'h.*

**Éil lennadenn :** Lennadenn tennet a lizher d'an Hebreed

Mam Breuder, ar feiz eo a zo an diazez ag an traoù a esperer, ar brouenn ag an traoù na weler ket. Ya, abalamour d'o feiz eo eh eus bet douget testoni mat d'ar re gozh. Abalamour d'ar feiz eo ma sentas Abraham doc'h galv Doue evit monet kuit d'ur vro a zlee bout roet dezhañ da heritaj, ma yas àr-raok hep gouiet da beban e oa é vonet. Abalamour d'ar feiz e taas da chom en douar grataet, evel en ur vro estren, dindan kobanennoù, evel ma reas Izaak ha Yabob, kenheriterion an hevelep promes. Rak gortoz a rae ar gêr savet àr fondizion gwir, ar gêr ijinet ha savet get Doue eñ-mem. Abalamour d'ar feiz eo ivez, ma resevas Sara hec'h-unan ar galloud da goñsev ur mab, ha kement-se en despet ma oa arriv àr an oad, dre ma kredas e gwirionez an hini a rae ar bromes. Hag 'vel-se, diàr un den hepken, hag eñ hanter varv, eh eus bet ganet ul lignez ken stank hag ar stered en neañv hag ar grouan àr ribl ar mor ... diniver. Setu komz an Aotrou Doue : **Bennozh da Zoue !**

**Allelouia :** Beilhit ha deoc'h da vout prest :

*rak ne ouit ket an eur ma tle donet Mab an Den.*

Ar beleg : An Aotrou Doue geneoc'h : **Ha get ho spered.**

Ar beleg : Lennadenn ag an Aviel santel hervez St Lukaz.

Ar bobl : **Gloar deoc'h-Chwi, ô Aotrou Krist !**

**Aviel :** Én amzêr-hont, Jêzus e laras d'e zisiplad : Ra vo ur gouriz àr ho tivgroazell, hag ul lampr bev en ho tehorn. Bezit hañval doc'h tud hag a zo é c'hortoz

*ma tay o mestr en-dro ag an eured, evit digor dezhañ kentizh ma arrivo ha ma skoay àr an nor. Eürus ar serviterion-se a vo kavet é veilhañ get er mestr pa arrivo er gêr ! E gwirionez, m'el lâr deoc'h, goude bout lakaet e c'houriz en-dro d'e zivgroazell, eñ, ar mestr, o lakay doc'h taol hag a labouro d'o servij. Mar da d'an eil kart ag an noz, pe d'an drivet, ha mar o c'hav en o-sav, eürus ar serviterion-se ! Soñjit mat : pa ouiahe ar penn-tiegezh da bet eur e tay al laer, hemp arvar e chomahe àr sav ha ne laoskahe ket e di da vout toulet. C'hwi ivez, bezit prest, rak Mab an Den a zay d'an eur na soñjit ket.*

En dibenn : ar beleg : Setu Komz an Aotrou :

**R/ : Meuleudi deoc'h, ô Aotrou Krist !**

**Kredo :** Me 'gred e Doue, an Tad hollgelloudek, Kroueour an neañv hag an douar, hag e Jezuz-Krist, e Vab unganet, hon Aotrou, a zo bet koñsevet dre nerzh ar Spered Santel, ganet ag ar Werc'hez Vari, en deus gouzañvet dindan Poñs Pilat, a zo bet staget doc'h ar groaz, marvet ha bet lakaet er bez, diskennet d'an ifernioù, daet a varv da vev an drivet deiz, pignet d'an neañv, hag azezet en tu dehoù an Tad, a-eno e teuay da varn ar re vev hag ar re varv. Me 'gred er Spered Santel, en Iliz santel katolik, e kumunded ar Sent, e pardon ar pec'hedoù, e adsav ar re varv, er vuhez peurbadus. Amen !

**Pedenn hollbedel :**

**Aotrou, hon Doue, ô Tad Santel, selaouit hor pedenn !**

**Lid ar profoù :** ar beleg : *Pedit, mam breuder, ma plijo get Doue an Tad holl-gelloudek degemer ma sakrifis a zo ivez ho hani-c'hwi :*

**R/ : Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hani an Iliz.**

**Prefas :**

*Ar beleg : An Aotrou Doue geneoc'h :*

**R/ : Ha get ho spered !**

*Ar beleg : Hor c'halon d'an uhel :*

**R/ : Emañ troet trema Doue !**

*Ar beleg : Trugarekaomp hon Aotrou Doue :*

**R/ : Just ha santel eo !**

**Santel :**

**Santel ! Santel ! Santel ! An Aotrou Doue, Mestr an ne hag an douar !**

Leun eo get ho kloar an neñv hag an douar : **Hosanna e lein an ne !**

Ra vo benniget an hani a za e anv an Aotrou Doue : **Hosanna e lein an ne !**

**Gorreoù :**

**Gloar Deoc'h-C'hwi marv àr ar groaz ! Gloar deoc'h-C'hwi, Jezuz !**

**Adsavet leun a vuhez, hon Salver !**

**Hag hon Doue, C'hwi zay en-dro, Splanner lugernus !**

**Setu-ni àr-sav doc'h ho kortoz !**

**Hon Tad :** hag a zo en neañv, hoc'h anv ra vo santelaet, Ho rouantelezh degaset deomp, Ho vennantez ra vo graet àr an douar 'vel an neañv. Roit deomp hiriv hor bara pemdeziek, Pardonit deomp hor pec'hedoù, 'vel ma pardonomp d'ar